

四庫全書

集部

欽定四庫全書

集部

學餘堂詩集卷四十八至

詳校官檢討臣劉錫五

助教臣常循覆勘

總校官庶吉士臣何思鈞

校對官檢討臣蕭九成

謄錄監生臣劉亮果

欽定四庫全書

學餘堂詩集卷四十四

翰林院侍讀施閏章撰

五言排律

獅子詩擬應制二十四韻

聖朝惟尚德薄海必歸王
却貢安殊俗獻珍來遠方
遊麟當在野彩鳳已鳴岡
御歷兼三重乘時集百祥
旅獒誇往事神獸致遐荒
問產從烏弋盤山過白狼
尾張逾

斗大力勁作虓強雄骨毛辭馭金精色受黃吞貌憑掉
舌擊象直穿腸脛挾奔雷走睛搖駭電光名徵博物志
賦賴永興詳踐踏翻林麓羈縻自漢唐 皇圖寬覆載異
國勇梯航玩好知無益懷柔道不忘吼聲驚虎殪騰勢
想龍翔檻制蠻奴苦途經西域長

天顏時顧盼 禁苑命詩章位置分熊館威稜壓豹房依
仁靡搏噬展力窟飛揚驅戰殲犀兕鳴鑿媿驕驕修牙

玉馬靈族又神羊服猛餘鴻略君省靖海疆

經筵詩擬應制

帝哲多天縱王猷豈性成虞廷心授受說命學分明師
傅官僚重詩書智慧生 皇興真廣大 睿慮益澄清省歲
銘無逸歌雲許載賡臯夔依 黼坐董賈聚 神京好古心
何亟防傾氣不盈艱難思稼穡飢渴下弓旌舊史勤紬
繹先王是訓行桑林方應禱竹素重垂情端策陳墳典
求言憲老更甘盤懷舊切箕範叙疇精敷奏輸忠悃咨

詢出至誠嘉謨堪補袞霽色洽和羹御几牙籤列仙班
玉佩鳴表章追伏鄭傳註起周程日晡仍留講宸聰莫
可名龍門書盛事虎觀辨羣英滄海皆通貢潢池敢弄
兵祇今干羽舞會見泰階平

大駕重幸直北校獵時冬祭後三日恭紀二十韻

太皇太后時尚

溫泉

九廟明禋重初冬爽氣高停鑾纔盥薦出狩又旌旄組
轡王良馭珠弓羿氏發六龍真逸足三輔舊神臯問寢

紆宸幄于田佩寶刀共知勤部勒豈謂騁遊教霽日迎
仙仗朱霞照

御袍合圍熊館破決中虎賁豪野獲窮山谷弦鳴落羽
毛阜雕雲外盡赤豹檻中嗥齒革資軍實豺狼念賊壕
是時求俊乂侍衛繼英髦五柞離宮盛甘泉彩筆操計
禽分勇怯講武寓甄陶虞甸爭除道郊圻待獻醪省方
天藻發涉遠

聖躬勞帳殿霜生劔騎營夜屬橐鍔歌簫鼓競宴賞羽

林叻漢主誇宛馬姬書訓旅
葵興朝誰諫獵蓄意忝含
毫

馮相國萬柳堂二十四韻

不向城東去名園我未諳
爭傳雄薊北大好壓江南
僻地神京得幽棲相國耽
雲霞元爛漫水木復泓涵
化枳憎盧橘求仙謝石楠
山亭蘿冉冉堤榭柳毵毵
五樹陶潛隘千條白傅慚
春風真在手野興豈嫌貪
灑落疑蓮社清深倍菊潭
綠波金縷覆錦石碧烟含
溪靜留官舫

林間置佛龕揮絃隨一鶴載酒愛雙柑酬唱分題數登
臨共客酣樂遊華敢羨吏隱朴寧甘秉軸憂遲暮歸田
乞再三靈和稱可愛宣武歎何堪步屨滄洲近書倉秘
冊探蓬蒿懷仲蔚弟子邁桓譚廡仕存空橐貧交慶盍
簪鄉心還海岱莫怪懶朝參

奉贈宋蓼天大司馬二十韻

廟算封疆靖兵樞社稷憑

一人今簡畀九伐必騫騰詞賦英年擅忠貞世緒承石

渠初特達畫省遞相乘顧問謨猷進司成俊乂登

聖朝崇孝治 寶冊頌 園陵

詔許羣臣撰爭歸大匠能經營辭慘淡述作義峻嶒山
湧豐碑出天垂

睿藻稱禮闈推鑑朗柏府肅霜澄汲黯敷陳切長沙涕
淚增霽顏應采納峻秩又頻仍獨坐官糾劾祥刑 帝股

肱網開忻浩蕩

時以國
恩肆赦

法在寓哀矜半歲遷何數諸卿

得未曾位高勤夙夜責重凜淵冰幃幄籌師旅苔岑洽

友朋憐才心若渴
招客酒如澗
時事詩書緩
軍儲日夜徵
折衝樽俎計
會見不模稜

憺園詩為健菴編脩作

不勞多結構
竟日足躋攀
隔縣通婁水
閉門收玉山
荷風清簟外
竹日曲欄間
繞閣雲長住
近人鷗不還
花繁在藥圃
心遠鍵松關
覓徑青林入
題詩錦石斑
書編隨坐卧
朋舊散襟顏
只恐金閨客
棲遲未許閒

哭顥亭少司農

頭白期相見悲來斷客腸斯文失祭酒吾道共霑裳
豈龍蛇值人推麟鳳祥冲襟含岳瀆峻望潔圭璋君捷
南宮日余陪西署郎定交元杵白卜夜屢壺觴倚肝真

聯絡應劉並頡頏

謂丁飛濤
陳希倩

校書專史局珥筆主詞場

七子詩標舉千秋興激昂移官喉舌寄補闕股肱良視
草青蔡火彈文白簡霜臨觀雄海岱鄒魯入宮墻泱歲

三遷巫殊才特典章

温言承

黼坐謹議動巖廊掌憲平

反苦司農會計長邊隅初蠹動禁旅驟騰驤清覈嚴絲

粒經營薄孔桑時艱資道濟神瘁恃身強仙骨將遺蛻
台星遽拚芒

帝心虛倚畀府事缺劬詰胄違含飴

柱峰侍御

親交憶慨

懔歷官無長物急友肯多方垂訣還留疏殘吟剩滿牀
多情偏好我遠道獨相望尺素嗟離索三生恨渺茫

冬客

見在詩札商飈寒霄籜旅櫬遠還鄉亮采公卿痛清流厨顧

亡聖湖看慘淡天目少輝光繼武紛簪紱將雛盡鳳皇
鴻名堪不死藝苑豈全荒褒卹恩知重凋零道可傷哀

歌當薤露雙袖涕浪浪

陳母張太夫人輓詩

學士說巖
先生母也

良臣為國重保訓本家成不有徽柔德何由俊彥生母
儀今絕少壺範痛難名書受班姬誠才同謝韞鳴深閨
愛彤管雜珮尚瓊瑩佐餽晨昏事聞雞昧旦情鴻妻方
燕婉驥子早崢嶸正色胎存教傳經手課程何煩機杼
斷時挽鹿車行羣盜曾攻堡夫人竟作城助勦明大義
巾幗佐英聲宵羨牀堆笏羞稱金滿籬身膺翟氏貴養

謝板輿迎性是簪蒿儉官因却鮓清起居誇矍鑠職事
厲忠貞豈謂劬勞久俄令疾病并蓼莪腸斷絕風木淚
縱橫 慰諭來中使咨嗟出至誠

朝廷崇孝治生死備哀榮 綸綍新恩錫

特進封
淑人

杯圈舊

恨盈凍雲淒總帳積雪灑銘旌永訣違含飴堅留實

聖明美應鍾郝並賢與孟陶爭史氏誰為傳憑將報九

京

官軍連收岳陽長沙諸郡恭賦二十韻

廟算稱神武王師戒驛騷親藩分虎節幕府握龍韜頻
接荆襄檄全清江漢濤飲波馳萬騎下瀨奮千艘陣合
連蠻徼圍長鏟賊濠中權揮扇定勁卒壓城挑破壘猶
吹箨奪旗等刈蒿洞庭鯨盡駭衡岳獸俱逃威命尊黃
鉞驍騰避白袍迸雷轟礮火漂杵濺弓刀夢澤投鞭斷
君山積甲高倒戈方懾服繫頸尚哀號戰馬歸天廐軍
裝付鎗曹猷今元老壯凱奏飲飛豪指顧成安堵歡呼
各獻醪勢趨巫峽蹙關失劍門牢恃險先亡述追奔共

殫滔湔除還爾貸浩蕩豈重遭乘勝如摧朽長驅入不
毛誓將餘醜滅肯使

聖躬勞

蠲賑災民

帝德歌風動王猷懋日躋憫時頻減饒耕籍每扶犁荒
政蠲田賦軍儲急鼓鞞何當分內帑特遣恤遺黎滄海
嗟無歲黃河舊決隄炊烟寒不舉蔀屋遠含悽饑齧榆
皮盡愁看鵠面薰林空難捕雀野曠絕鳴雞莫罄監門

繪誰憐轉壑迷

聖恩肥土域羣望憫雲霓疾苦朝聞告金錢夕已齋免
租猶恐後命使肯教稽

天語頒螭陛星馳迅馬蹄閭閻親閱歷羸弱喜提攜塵
甑欣重饗衰顏勉杖藜澤敷青豫徧懽祝岱嵩齊幾處
留孤稚荒村救寡妻人從垂死活感極失聲啼積淚紆
長楚餘生待麥畦有君真覆載思服訖東西

上已修禊應制

虞書傳出狩夏諺望時巡
露布宣威武宵衣愞苦辛
鑿斲乘麗日象輅動靈辰
快覩

龍顏近欣逢天氣新
祓除遵洛水選勝向河濱
捧劔金人出登山玉輦頻
永和還盛會元巳正芳春
睿藻雲霞

爛澄觀魚鳥親西池
懽駐蹕南苑看垂綸
每憶華林射應瞻白馬
神繁花依講幄綠柳映
扶輪舊簡班揚侍旁
徵黃綺臣玷名勞館閣
飛檄到松筠顧問慚
三篋盤餐溢八珍
恩波霑草野仙樂聽韶
鈞扈從千官集遊教萬
福

卷四十四
臻握蘭沿曲渚浮棗漾青蘋東哲談蒙賞張華論絕塵
禊堂初授簡學海恐迷津

聖主收葑菲塗歌獻 紫宸

召試體仁閣下恭紀

帝擅知人哲天寬顧俊塗山川昭瑞應麟鳳耀高衢 綸
綵旁求急弓旌曠典殊三公勤啟事百執共噓枯出處
咸推轂升沉許合符庭谷無岳牧物色徧江湖雄麗收
文士淵通問宿儒賡歌懷喜起射策笑模糊筆札鄒枚

出賢良董賈俱俳優吾豈敢經術世還須檄下王程促
星馳驛路紆烟霞時有癖箕頰未容逋照室珠寧拵連
城玉必沽

璽書彌愷惻芒屨孰踟試可憑敷奏明揚定弗俞卿
雲飛玉几旭景照金鋪寶鼎詩重作燕山銘詎孤觀遊
誇羽獵研練比京都公等來何晚羣臣召則趨

天顏真咫尺日晷迅須臾虎觀誰同異龍門信有無裁
成歸大冶采擇辨嘉謨擊缶慚餘響雕蟲劣小巫

九重不自聖一得也輸愚扈從森仙仗壺漿出御厨
螭庭紛琬琰鮫窟拔珊瑚簪紱瀛洲選梯航王會圖
安邊看利劔報德忖恩珠文治元根本民艱尚囁嚅
披鱗能曲貸伏闕擬重敷

省耕詩

三月初一日太和殿御試

農事崇開國豳風紀授時供輸仍禹貢宵旰甚堯咨
耕籍親扶耒祈年恪奉祠軍儲急壤賦

帝德軫民飢遜志銘無逸省方樂有為郊圻根本計豐

稔太平期土鼓歌田祖惟宮命甸師輕陰將霖霖淑景
正繁滋修禊靈辰近乘春令節宜雞人傳象輅虎旅扈
龍旗霧合千官列雷鳴萬騎隨良疇真錯繡厚獲祝如
坻傍輦祥飈動停鑿解澤垂親承

天語勸敢使歲功遲原隰應胥墾耔耘莫憚疲桂種元
獻種穀米定流脂

睿藻雲霞爛仁心魚鳥知鸞旌歡野老袞冕映茅茨屢
下蠲租詔重陳多稼詩飽騰資槩伐皇路會清曩

贈李梅崖

相逢燕市語如傍玉山行氣挾詩書靜心涵冰雪清從
龍元特出繡虎早長鳴價與金臺重燈分藜火明借才
來粉署列秩領春卿手自排緗帙茶親洗石鐺篇章思
慘淡典則議崢嶸舊作風騷人新斲模楷成騫騰爭一
顧歎懇到諸生省事延孤賞冲襟出至誠白圭寧受玷
歌器必防盈許容鈔殘草橫經對短檠流風供奉在泛
愛鄭莊情咲我真牽率中懷為漫傾

寄玉山農侍御是年七十

海內同年友相看我輩存老成不易得耆碩更堪論惜
別星霜速投閒道業尊燕臺歡並轡鳳德羨孤騫出使
星輶遠徵材竹箭蕃分曹森武庫濡翰倒詞源繡斧推
清譽彤庭數直言誰知懷子舍俄復夢丘園鳩杖怡黃
髮鱸魚引綠樽九峰陪左右羣玉列兒孫鮑馭還驄馬
龐妻共鹿門才名三子競祿養

兩朝恩媿此車塵裏思君桂樹根馳情歌一曲餘興到

江村

贈徐大中丞

黃閣分猷久烏臺獨坐專論思能浴日抗疏竟回天義
直羣僚肅風清萬口傳兵荒勞轉側海嶠仰生全戢暴
冰霜重憐才雨露偏小心真比髮鴻筆大如椽述作凌
陶謝編摹嗣董遷連枝皆史閣異數復經筵正學星辰
列英詞河漢懸素交深吐握後進入陶甄衰疾安迂鈍
吹噓荷接聯臨歧重惆悵牽率忝詩篇

仁孝 孝昭兩皇后梓宮自沙河往葬山陵恭送紀事

二十韻

二后靈輿發春郊帳殿成 園陵悲遠道 車駕出嚴城幽

餞頻將享前驅早計程賞頒周僕馭

時賜夫役人各一金

警衛擁

神兵七校聯鑣靜千官按轡行荒村紛馬跡野雀避人

聲借榻蓬茅貴謀炊井竈爭幕帷環霧合燈火燦星明

隱几縈宵夢聞雞候曉征威儀墻晏盛 御路水雲平鷓

鷺排川甸旌旗接玉京愁凝 雙輦重哀動萬山鳴任似

追遺範皇英軫 睿情孝能嫺內則柔並叶坤貞逮下常
多恕持謙每戒盈嬪妃餘涕淚嶽瀆應精誠塵淨微沾
雨風徐早送晴策文鑄慘惻 祠寢肅經營禮葬輕珠貝
和鑿想珮珩

聖躬勞不惜嗟此極 恩榮

贈俞佺廬中丞

賦重東南地時需節鉞臣

帝心元簡在廷論協諮詢維楚多才彥於公見偉人摘

詞真奪錦筮仕舊宜民茂績頻推最冲襟迥絕塵抗言
直似矢決策動如神諫議資帷幄丰裁領縉紳崇階猶
轉輟遷秩不淹晨獨坐雄烏府 温綸出 紫宸 寵頒天
上至 膺命膝前申控制江湖大沾濡股肱親銜恩心感動
誓報語酸辛治亂看褒斥安危慎笑顰清風巖拔薤惠
澤起枯鱗搏擊憑鷹鷲光輝自鳳麟鼠狐皆屏跡箕斗
豈嗟貧嘯咏閒中事郗枚幕下賓吳趨將挽薄南服盡
歸仁按部輿情洽憐才士氣振懸知冰雪後歌舞遇陽

春

壽方太夫人

有母稱邦媛徽音與世殊
生來謝庭女嫁得伯鸞夫
忠孝元家法乾坤忽鼎湖
烽烟埋白日逋客走蒼梧
負戴從偕隱分離總畏途
覆巢無破卵垂翅自將雛
避地甘荒嶠潛身裹敝襦
播遷經五嶺風雨抱三珠
課讀親九膽謀生任辟纊
時危曾到粵亂定復還吳
節並共班勁名兼鍾郝俱
能書矜筆墨提甕習勤劬
聖善人皆頌艱

貞世所無閒心安梵唄晚計饌伊蒲菽水歡能養杼機
義不渝到今垂鶴髮鳩杖未須扶

宋司馬拜冢宰同人屬和

一代聲華最諸卿領袖雄才元耀鸞鳳官舊統罷熊廟
算敷文治邊籌奏武功佇看澄百職特進冠羣公玉尺
銓除裏冰心藻鑑中清通見裴楷簡要復王戎饋餉門
無受推賢意不窮高談風月靜主計紀綱崇獨坐曾烏
府儀型在辟雍兼才稱具美峻秩許誰同鎖院春陰滿

經筵

寵眷隆龍門忻接近賦頌忝難工

送孫如齋編修冊封安南

炎漢南交地陳黎角鬪場

一人稱有道四海盡歸王寵使朱衣貴

恩綸御墨香居然盟帶礪恪爾奉珪璋負弩諸侯肅乘
軒萬里長中途變寒暑絕域異烟霜水厯昆明外山臨
勾漏旁羽毛看翡翠宴會饗檳榔陳蹟瞻銅柱珍禽獻

越裳多才重孫楚二妙得周郎

時儀部周
星公全行

獯貊隨騶御

珊瑚製筆牀含毫元侍從憑軾足篇章遲日和風送王

程春草芳飛揚邁邛笮省覲過衡陽

太夫人時在長
公衡陽官舍

不

費相如檄還餘陸賈裝遯方修職貢每歲走梯航

欽定四庫全書

學餘堂詩集
卷四十四

學餘堂詩集卷四十四

欽定四庫全書

學餘堂詩集卷四十五

翰林院侍讀施閏章撰

七言排律

西湖醉後酬李宗伯

南昌人為楚藩儀賓所居在藩府中曰閩苑藏書數萬卷

被兵後倚寓西泠蓄善歌者與湖上者舊為香山社

先生七十更無求
筇杖芒鞋汗漫遊
愛我清吟頻勸酒
接君片語坐消憂
文章輝赫傳三殿
池館蒼茫到十洲

屢謁承明勤獻納敢言金馬寄沈浮交游海內鄒枚在
圖史人間蚪蚪收多難悲歌餘四壁殘生潦倒一孤舟
龍門舊識存桃李豐劍寒光照斗牛遶砌種蘭真九畹
數椽臨水是層樓春風舞袖銀箏弄夜月歡筵鐵笛秋
坐上論文揮麈尾花前覓醉解貂裘香山結社身偏健
閨苑思歸興未休李郭同時良不易看雲湖上重淹留

臨江答耦長次韻

謝李高吟久寂寞都官獨擅宛陵詩忽驚鵝鳳生丹穴

又見神龍出故池陸子才華入洛日終童卓犖棄繻時
閒居亭閣江山助絕調騷歌氣候移薦賦羞尋楊得意
憐才恨少魏無知短衣射虎成何計抱膝橫琴聊爾為
石室藏書家自富滄洲禿筆興忘疲登樓獨嘯青天月
入坐人推玉樹枝苦學三餘霓識素心十載白雲期
波瀾自許陳思敵意氣誰呼德祖兒策杖風泉廬嶽頂
挂帆烟雨楚江涯官齋地靜看鷗狎野寺吟多把酒遲
散帶臨溪開北牖沈瓜浮李續南皮疎狂却憶高生老

白眼東西何所之

謂玩
悚

清明前一日經水東聞衆潄桃花沿溪紅數里恨

不果往

在宣城東南港口有龍窟
土人言陰雨時聞鼓樂聲

江城伏枕動淹旬細草天寒綠未勻昨夜東風何造次
老夫策杖太逡巡谿邊好鳥要人語谷口閒雲傍客身
浦接桃源花夾路山連龍窟地無塵鈞天樂奏靈湫底
濯錦波明曲水濱已辦青錢拚一往忍教紅樹阻相親
中年衰樂登臨嬾比歲西南斥堠頻苦惜良辰誰共酒

飽經多難可憐春平生不分愁如霧明歲應添髻似銀
古墓烏啼垂柳外斜陽偏照獨歸人

太皇太后幸遵化溫泉

大駕侍從恭紀二十韻

兩宮聖善重禧日

五位晨昏侍膳年鸞輅和鳴游勝地龍旗侍從幸靈泉
才人列騎威儀肅仙仗千官擁衛全湯谷倒輸蒸日月
素山回令暖雲烟飛來姑射從天上涌出瑤池在日邊

密邇神臯猶禁苑久晴霜候當春天一泓熾沸如潮溢
半畝沖融似火然沿浦曲房嬪御滿臨流帳殿起居便
湘妃出舞迎環珮海若趨承捧翠鈿丹鳳沼中馮盥漱
赤龍川畔恣盤旋波恬早覺輕寒散濯久潛驅宿疾蠲
懽動 慈顏留汗漫坐沾香霧弄潺湲寢門數問勤

天語珍饌頻移接御筵預敕行厨齋玉粒肯煩屬邑費
金錢洗頭華嶽盆何在取石銀河興眇然珠獻鮫人紛
上下旌麾玉女暗聯翩祓除有喜坤維奠奉養無方孝

治傳不數驪山汗粉澤羞稱汝水漫流連朱砂礬石誰
能辨暖液溫濤洵可憐稍待九霄回輦後掖庭還奏祝

輦篇

學餘堂詩集卷四十五

欽定四庫全書

學餘堂詩集卷四十六

翰林院侍讀施閏章撰

五言絕

寒女怨

虛窗響悲風，抱影愁獨處。
霜落單枝寒，莫敢自言苦。

美女怨

美女嫁盲夫，相近未相識。
願妾雙目盲，明鏡照不得。

題郵亭

春日勞勞盡風沙眼倦開東風不忍背為自故鄉來

聞櫓聲

咿軋似哀鴻聽來殘夢中空江人未語咽斷五更風

舟泊閭門

我愛閭門好停舟細雨時伯通遺宅在為問主人誰

見落花

花飛欲暮天飛向阿誰邊東隣有思婦莫墜綺牕前

至南旺

客倦南來路河分向北流明朝望鄉淚寄不到江頭

曉行

月沉霧更昏將曙光如夕暗裏人獨行朝看多虎跡

仙梅石

在岳陽樓得之土中
其文斑駁似梅花

玉几出莓苔橫枝隱落梅誰能吹鐵笛更弄數花開

侵曉懷友

侵曉花光濕薄寒成早秋驚心昨夜雨歸客在孤舟

從制府江行

鼓角動江城軍麾帶雨行可憐芳草綠不避馬蹄生

二

戰地春風苦荒村破屋斜重來雙燕子好去宿誰家

三

上灘折篙櫓緣岸愁虎豹清淺自無魚何人復垂釣

四

棹上雙江路雲迷阜口西昨宵愁不寐恰有鷓鴣啼

懷讓村客虔州

聞君發歸棹還滯虔城裏
雙江人不來愁殺雙江水

田家雨夜

荒村聽雨客一夜百年心
為問前陂水新添幾尺深

夜涼

數點疎桐雨不知秋氣生
殷勤語紈扇又是一年情

臨江署中襟咏九首

建蘭

相習不言好，含情憶舊叢。
祇應牆外客，遙覺此香風。

慈竹

同根苦相抱，日夜中庭清。
為伴孤吟客，長留風雨聲。

秋海棠

苔厚階庭靜，陰多雨露偏。
容顏秋自好，不擬傍人憐。

拒霜

傍水遙憐汝，空庭許半遮。
霜前紅覆屋，已見五開花。

芭蕉

半壁綠陰裏當窗舒卷時羅裳貪試舞容易得風吹

水蒨花

秋光依弱草狼籍復誰惜君看江渚間惆悵送行客

蝴蝶花

栩栩偏依砌臨風欲上衣牆頭迴蛺蝶認伴擬同飛

佛手柑

何許衆香國應來祇樹園殷勤故垂手此意向誰言

虎鬚草

靈蹟傳堯韭山房重虎鬚待君成九節能療白頭無

萬竹菴

遶屋翠琅玕清陰當晝寒憑誰覓長笛倚杖向君看

舟中絕句

船過富春渚路近新安江家鄉纔入夢夜雨滴蓬窗

二

曉色戎戎暗孤帆漠漠開濕雲飛不起幾片落船來

抵浦城

江樹葉將殘客遊程未歇
愁心自知老夢裏見白髮

夜坐天遊峰得月

近仙
字巖

微雨仍留月千峰洗更明
仙雲真可數片片掌中生

戲題三姑石

在武夷

我愛三姑石窈窕相低昂
南風吹過嶺好嫁三江郎

建江灘行

一灘一髮白百灘堪白頭
不應千里路都作斷腸流

二

下水喜灘急上水苦灘澀舡舫不容身時向灘頭立

望江郎山

白雲曳峰頂皎若羅衣裳纏繇且開却留眼見江郎

題伯璣別墅五首

懷潁堂

東湖即潁上况鄰徐孺亭閒把釣竿坐照見西山青

稻雲梁

橫橋碧水中風動水聲急人跡往來稀時有鷺鷥立

染香汙

衆香不可辨，積翠連芳洲。
遙聞隔浦外，歌發采蓮舟。

三逸舫

孤舟去安適，招招尋我友。
不知相對誰，獨置一杯酒。

朝氣樓

夜涵月色多，朝見山光早。
清露濯芙蓉，迢迢向人好。

張道遙石洞

舊為虎穴

人來奪虎穴，人去敞巖扉。
丹竈知何在，重雲守翠微。

茅山元符宮書壁

春寒山客少石逕迥百折恰對大茅峰晴餘半峰雪

寄高峰寺僧

不辨孤峰處遙知雲霧生采茶防著雨春暮幾朝晴

晚泊盱江

孤塔青山迥長橋落照微江城近炎塞二月早螢飛

麻姑山夜坐

五老下斜曛萬山人獨宿仙歌何處聞石梁響寒瀑

客夜

獨夜月明多天際聞孤鶴梧桐尚未秋片葉空階落

雲山洞

洞門雲不息萬嶺白須臾試向洞中覓孤雲定有無

瓶中牡丹

花開遊子發短鬢已斑白含情憑一枝留伴孤舟客

漫河沙

南風沙作烟北風沙作霰不知腸斷續行人各掩面

題吳漁山畫

遠岫千層綠輕帆一葉飛
橋邊過釣叟雙鯉自攜歸

過北邙山

黃河渡口人北邙山下路
但見冢累累無地栽松樹

嵩頂書壁

二室千峰秀秋登第一峰
中原歸杖底長嘯倚孤松

山行

野寺分晴樹山亭過晚霞
春深無客到一路落松花

桃葉渡

萬事東流去爭傳桃葉名殷勤留片月猶是六朝明

邀笛步

長笛數聲畢登車無一言江潮定何意故傍客亭喧

雙谿晚步

少小凭闌處夜深今獨過谿流不愁思依舊月明多

中秋對月

時東南
大用兵

好酌清尊滿休教恨白頭不知今夜月幾處戰場秋

得雙鶴

知有雲霄翮猶棲官樹陰中宵發清唳相對話歸心

采蓮曲

不惜羅裙濕花沾竟體香好留荷葉在為覆兩鴛鴦

二

結子憐花少回船出葉遲水清時見影偷眼照蛾眉

見粵客馬鞭是人面竹

方物憐摧折攜將作杖難忍留人面在日逐馬蹄看

許雪懷還龍谿

家傍釣魚磯，潮來侵板扉。
半江紅葉裏，獨送一帆歸。

高彙旃學使錫山書至貽邵二泉先生墨蹟

春風著意吹花落，自成子殷勤感故人。
託贈心如此

二

別君九峰下，歲月忽如此。
書來靜夜看，山堂落松子。

附錄邵詩
梅子把酒酌山靈
吾道今如此
去時折梅花來時摘

早春入山

路入疎林外山青殘雪中吹衣不道冷喚汝作春風

二

拗竹為馬鞭春泥馬蹄沒半生行路人此中生白髮

為武蘇州題畫

謝公愛丘壑林下多幽蹤白雲時一掃歷歷數青峰

即目

薊北思歸日春風欲暮時庭花知客意故放向南枝

次羅堠嶺回眺

石子鳴馬蹄夕嵐出衣帶遙覓雀兒菴數點歸鴉外

書大方僧壁

山月相澄鮮延目一秋水宵分眠復醒殘夢松風裏

題畫石

一拳多節目渾如枯樹根山堂讀書處許汝對柴門

寄和徐姬珠淵

莫怨經年別天寒耐獨眠老夫魂欲斷夢不到君邊

附元韻 風緊牽離別燈殘人
未眠此身無羽翼安得到君邊

學餘堂詩集卷四十六

欽定四庫全書

學餘堂詩集卷四十七

翰林院侍讀施閏章撰

七言絕

野望即事

荒村一帶向溪邊
遠渚羣鷗白晝眠
日落風多人影亂
柳根爭繫釣魚船

題花下問漁舟圖

小橋東畔野雲生
春浪桃花濯錦明
聽得漁磯相荅問
舟人笑語雜谿聲

伏羲生身處

有洗兒石記
在新樂縣

歲月茫茫記得無
荒烟古道獨踟躕
洗兒石畔苔為篆
應是龍文八卦圖

道中折桃花

河朔風沙白日黃
桃花獨笑短籬旁
一年春色惟看汝
駐馬誰能不斷腸

客至自雲中

大同城外是邊庭
幾歲哀笳客裏聽
為問王牆墳上草
到今何似漢時青

西曹署壁見畫竹

何處蕭蕭竹數竿
空堂清夜向人寒
醉來疑是山窗坐
剪燭支頤子細看

陽信題主人壁

千里星軺冒雨來
幽齋霜後菊花開
故園南望滄江外

花發東籬又一回

經李太白墓

共說騎鯨捉月游孤墳細草野風秋夜郎幽墳無多淚
萬古長江楚水流

書寒谿寺

谿邊古寺畫冷冷一樹梅花開滿庭我到恰逢晴日好
西山相對眼俱青

鄂城

岼上何人尚楚歌
千家頽瓦亂山阿
寨裳欲問南樓月
鸚鵡洲邊夜雨多

見斑竹

碧玉森森綠水灣
風鳴環珮滿湘山
遊人自灑離愁淚
不是當年舊淚斑

三十六灣

湘陰

湘水行來轉櫂頻
迴波蕩漾送殘春
低頭錯認鄉園水
欲喚青莎渡口人

道鄉臺

宋鄒浩號道鄉謫衡州經此守臣溫益下逐客令風雨夜渡湘江山僧列炬迎之張

棧為築臺
朱熹刻石

馮軒嶽麓洞庭開明月湘江夜月來逐客莫忘賢太守
孤峰留得道鄉臺

衡山道中寒食

路多虎跡少人踪楊柳催殘賸幾松家在江南今北望
可宜獨上祝融峰

端江到佛山途中口號

松臺沙路樹相叅
急水輕舟帶夕嵐
無數烟村山色裏
不禁飛夢到江南

宿法華寺

夜涼深寺白雲封
卧對星崖石上松
夢裏莊周元是蝶
浮生消得幾聲鐘

再游桃園花盡落矣

渡口漁人路未迷
重來綠樹一鶯啼
風光好處傷心甚
目送斜陽下水西

休寧道中寒食

寒食東風減客衣
山堂茅屋燕初飛
桃花欲落不忍落
游子曰歸猶未歸

懷匡廬源上人

靜裏真僧水雪容
一簾瀑布萬株松
為馮今夜清溪月
挂到匡廬五老峰

苧蘿山

扁舟載去是邪非
消息人間恨不歸
留得舞衣魂未散

芋蘿山下白雲飛

重過阪蒲寺

時久早居民鳥散主僧舊識余者俱化矣

繫馬精廬憶昔年一朝滄海變桑田
老僧去後繩牀在剩有殘燈照客眠

寄陶赤若

出門雨雪又中秋寒露催人自白頭
月照青溪橫匹練知君獨立水西樓

夢張旭之

歸魂夜夜傍家鄉，忽共張顛話草堂。
不記分明作何語，爭題粉壁兩三行。

程箕山員外半野園

松陰竹戶畫長關，野鶴沙鷗乍往還。
無數芙蓉天際出，凭闌人已在西山。

題金嶺驛壁

驛亭樹老腹皆空，牆外青山面面同。
駐馬殘春花落後，含情獨夜月明中。

灰埠驛

閒庭細草客重過古木娟娟帶女蘿
滿地落花人不見向來春色為誰多

初嘗蘋果因懷家叔父嗜此

蘋果青州五月鮮摘來差勝小兒拳
憑誰倩得南飛鳥銜到高堂白髮邊

濟南官舍漫興

好護窗前竹數根莫貪新筍劇龍孫
陰森五月如秋水

不厭當門覆綠樽

二

種瓜種豆試新春
露葉風花冉冉新
醉倚銀牀閒汲水
笑余元是灌園人

三

玉露微酸紫露渾

並青州酒名

青州從事竟誰論
愁心忽作

江南夢沽酒梅花谿上村

廣陵汎舟兩絕句

綠浦紅蕖間白蘋采蓮艇子棹歌新
慣聞簫鼓朝朝過
睡穩鴛鴦不避人

摘星樓畔水迢迢古碣荒臺字半銷
疎柳隋隄明月夜
宮娃魂斷尚吹簫

燈夕口號

節到傳柑夜夜晴東風送暖月逾明
火催花樹尊前亂
人擁蛟龍地上行

二

千錢挈伴賃春衣
珠翠粧成醉不歸
纔過南鄰又北郭
行歌一道彩雲飛

三

謝眺樓前月似霜
雙橋鼓吹簇成行
耐可銀箏彈北曲
城南思婦憶漁陽

四

截木為橈高似屋
山城石路滑如油
誰家年少渾無賴

百遍翻身不肯休

橈音敲長五六尺以杉為之上
施黃木縛足而行馳驟如平地

齋中白梅花

多謝春風緩緩催
谿園開盡草堂開
白花素壁渾如水
只道香從別浦來

苔溪曲

水竹疎籬護女桑
提筐采葉逐溪長
渡頭風起回船急
夾岬花飛斷妾腸

西湖漫成

春水盈盈浸碧沙
行人折盡半開花
六橋一色連芳草

何處錢塘蘇小家

吹角孤山鳥盡飛湖中日暮蕩舟稀
長年愛說繁華事
不管風光今是非

西湖竹枝詞

外湖遊遍裏湖遊南北峰高水面浮
弱柳新栽成絮少
不教飛去惹人愁

二

儂作葛洪井中水郎似飛來峰上雲
怪他昨日成輕薄

載酒偏澆蘇小墳

三

荷葉橫塘官路斜
吳姬日出澆春紗
兒家種蓮取蓮子
囑付遊人莫采花

四

西陵松柏已無林
天竺山頭日欲陰
同向三生石畔拜
與郎世世結同心

五

郎渡錢塘妾段橋
春花秋月可憐宵
妾心似海愁無岬
不向江頭去看潮

六

白玉搔頭紫玉簫
香車細馬木蘭橈
但留歌舞長如舊

拚取黃金作

去聲六橋

過新廊感懷方顧二宅

方謫遼陽顧
已歿二年

不改秦淮舊草堂
含情駐馬淚沾裳
故人生死皆離別
惟有烏啼送夕陽

湖口舟次懷阮亭揚州

丹楓木落客心悲
蘆荻風多雁叫時
忽憶去年秋雨夜
燈前把醖讀君詩

官舍題詩有竹亭
愁中坐對眼俱青
月明今夜遙相望
湓浦邦江兩客星

九日抵鹿江

俗名樟樹鎮

細雨舟中對濁醪
自携詩卷當登高
如何橘綠橙黃地
不及江南足紫螯

走筆東蕭孟昉

聞說蕭生十載餘無因相見獨愁余
同鄉有客思公子
憑寄江南數紙書

偶興

西江正月早芳菲
開盡桃花滿地飛
可怪春花似孤客
一心日夜只思歸

春感

十年官舍送春華
官舍逢春又別家
寄語窗前舊桃樹

主人未到莫開花

見梅花追悼大美

芹溪書屋一株梅
歲歲花前笑舉杯
今日花開人不見
憑誰移向墓門栽

春日懷幼龍

兩家相望是比鄰
把酒看花來往頻
老友凋殘好友別

春風消遣屬何人

老友謂大美

滕王閣

春水茫茫杜若洲千秋陳蹟客初遊
西山黛色還依舊
不管長江日夜流

重過李宗伯

時新造
家妓

殘秋別後此經過又見東湖春水波
舞蝶啼鶯今散盡
石榴花畔斷腸多

茉莉詞戲和阮懷耦長

海嶠佳人冰雪姿
縞衣綠鬢影參差
不貪結子花長久
摘罷明珠又滿枝

二

愛花全不為花愁
穿取團團似雪毬
欲作新粧相趣好
吳姬臨晚更梳頭

三

日汲寒泉灌幾回
下階頻為摘花來
擽教玉蕊穿雲髻
纔傍儂身花自開

南州谷伯衡

風流誰復謝宣城
剩有柴桑飲酒情
薄宦共憐詩不減

寒江如練月長明

貽林茂之紵帳

并序

茂之窮老金陵冬夜詩云老來貧困實堪嗟寒氣偏
歸我一家無被夜眠牽破絮渾如孤鶴入蘆花夏又
無帷帳或遺之則舉以易米予謂暑無懈病於寒無
毡君能守之當為作計處士笑曰願守之以虎客皆
絕倒予在豫章為寄紵帳書絕句其上屬同志者各
題一幅不問知為林先生物即謂之墨守可也

北窗高卧豈知貧料理偏愁白髮人
紵帳親題林處士
草堂長伴百年身

晚過赤方寺寓

赤壁磯頭人未歸長篇短句興遄飛
燈前促膝言難盡
水寺涼風吹客依

柑林和石莊

重陽辜負菊花筵此日流觴碧玉川
山磬忽飛深樹裏
沙鷗還卧夕陽前

馬雲人頻寄詩得絕句報之

謝朓驚人未敢當
虞翻知己恨何長
不堪尺素殷勤甚
獨上江樓望故鄉

次荅士業雪中二絕

時疎寓
鐵佛寺

歲暮荒城作客難
蕭蕭雁影下寒灘
竹樓正對千峰雪
倚杖同來天際看

高歌絕調太傷神
痛飲還逾少壯人
阜嶺洪崖全接壤

不妨相傍作比鄰

閩阜山在臨江
洪崖山在南昌

與龔天階飲愚樓

初在翰林餞予出都尋左遷南昌司理復解官

解裘沽酒憶金門木末登樓復此樽月落吳歌聲未斷

美人江畔總銷魂

挿天碧嶂繞孤城霧裏看山恨未明聞說武夷竒絕處

登峰只作棹舟行

君閩人言武夷山水

寄劉覺岍同年

覺岍官比部郎孤居不肉食京師謂之劉佛頭以母

老引疾終養來臨江鐵佛寺手緝藏經予日厭苦吏

事劉曰子曾見青蓮花有離汙泥生石上者乎聞之
輒然別後寄二絕句

久辭簪笏愛江亭凍手時繙貝葉經莫是三生石畔客
欲回烟棹太丁寧

檻猿籠鶴枉咨嗟羨爾閒餐五嶽霞領取江樓深夜語
不聞石上種蓮花

贛江寒食

雨漲江平楊柳垂江船爭繫向江枝春風寒食關情甚

折盡新條却怨誰

龍窩

地名在臨江

草青沙白水如藍今日龍窩三月三一樣春光烟雨內
歸心何事憶江南

同太虛壯丹花下

為看青蓮學士來相逢一笑說花開主人有酒難辭醉
消得春風是此回

西昌舟次值趙韞退大參粵還

疎星片月照城隈久客孤帆瘴海來
舊日題詩高閣在繫舟那惜一銜杯

十月十六日懷柑林舊遊

壬寅是日同士業天若伯調亦方在璞文在醉

於臨江之柑林

螺江江畔鷺洲頭久住還思金鳳洲
十里丹黃垂橘柚去年今日醉同遊

送李萬安罷官歸里

歲暮歸舟一葉輕歌殘酒罷淚雙傾
灘聲不是無情思

嗚咽隨君為送行

臘月八日同諸君青原即事六絕句

初來春雨繼晴秋今日殘冬又續遊却憶雨中奇絕處
一天飛瀑碧峰頭

松下親烹卓錫泉勝遊三卧白雲邊蒼顏五老曾相約
不到廬峰十二年

礪轉晴雲拂袖低一時支許共招攜若留慧遠相看笑

贏得風流勝虎谿

先是藥地
禪師駐過

勝事相傳倒插荆菁葱一樹又旁生嘯公飛錫凌空去

塔院松風是嘯聲

天界嘯峰和尚示寂寺中

怪石孤亭曲水濱香城臘日總如春當杯不飲君休笑

清絕梅花解醒人

予以疾戒酒是日得汗體為之輕

谷口祠堂尚可尋絃歌泉壑有遺音明年重踐春風約

雲滿空山花滿林

吉州諸公有仲春講學青原之約

答李宗伯書漫題紙尾

鷺渚舟邊踏月行蕭灘亭上望君情梅花欲落美人去

一夜離愁春水生

夢亡友蔡大美論詩臨別索酒

甲辰三月十一日

幽魂執手太情親
半笑嗔無酒入唇
款款詩篇論未了
相看不信塚中人

腸斷臨溪舊酒壚
花開時節夜臺孤
憑將五斗澆墳上

得似君家竹葉無

予感夢遂命酒澆其墓上
先是蔡釀甚佳名兼清

臨江官舍詠桃樹

短牆茅屋似山家
小樹窗前帶雨斜
記是老夫經手種

春風滿眼見開花

章山

臨江城相傳
仙人章昉隱此

笙鶴誰能見往還
千秋荒阜白雲間
仙家祇在江城裏
尚有高人說買山

青蓮洞

袁州

石作蓮花半未開
玲瓏幾曲盡莓苔
春深坐覺衣裳冷
不道雲從袖底來

袁州讀鄭谷詩

都官當日真名士笑殺人呼鄭鷓鴣秀浦城南君故里
江山何事一詩無

安成至廬陵道中作

山田斜趁嶺雲低引得清泉灌綠畦春暖插秧乘穀雨
不勞布穀一聲啼

出郭偶題寺壁

道旁深樹隱招提滿院薔薇照眼迷燕子似嫌人吏俗
飛來還去竹籬西

荷湖館

臨江

隔林烟火幾人家古廟江頭噪晚鴉欲問菱荷香寂寂
一川新漲白蘋花

施三十郎墓

志稱讓宅為清江縣
治今墓在郡譙樓下

江縣人傳讓宅名至今留塚在孤城君看無數王侯墓
蔓草荒涼野老耕

廬陵得余李蘆先生書

螺子山前春草生蒲陽書到淚雙傾愁心歷亂君知否

聽徹江聲到五更

青原講會示諸同志

遠別還偷三日閒絃歌同見古人顏木犀早已傳消息

一樹花開香滿山

守風左蠡

諺云南康左蠡無風浪起又汎兵寒
寒不足備他盜舟人皆坐守不寐

地險無風人自愁石尤作意故相留扁舟夜傍鼉鼉宿

一點殘燈是戍樓

逢南浦客寄周伯衡宋其武

寒江獨夜強銜杯念舊悲秋日幾回南浦朝朝多驛使
相思不寄一詩來

過白門追悼顧與治

舊宅經過哭幾回五年宿草尚餘哀秦淮明月長如此
更覓何人共幾杯

賣字全忘病裏身開樽留客豈愁貧百篇詩句渾如雪
半畝園林盡屬人

許我親書歸去辭澄心紙在淚空垂夜臺筆墨今何處

莫被招魂更寫碑

酒隱高風世所聞
眼前身後一浮雲
莫愁蘋藻無人薦

共識千秋處士墳

君大父英玉先
主有酒隱堂

坐官閣梅花下

高齋吏散即花前
坐久還移竹榻眠
珍重殘枝休笑我
重看爛漫是明年

綠雪

自製敬
亭茶名

敬亭雀舌枉爭傳
手製從過穀雨天
酌向素瓷渾不辨

乍疑花氣撲山泉

過穀雨數日
香味乃全

最難消息趁春晴
摘葉看僧頃刻成
眼底何人玉川子

可容廟芥獨佳名

學餘堂詩集卷四十七